



三 我 立 道

三我立道元始一貫經能受一貫之資格十一條列後

- 【一】知人道主義之真。親親、仁民、仁愛、物。非己之物而不用。是己之物。非其時亦不用者。
- 【二】男守信。女守貞。一陰一陽之謂道。男女爲陰陽之代表。往來交際。各有名分。人格完全者。
- 【三】爲人。將心比心。不自欺。處世。知己知彼。不欺人。言行合一。名實相符者。
- 【四】凡作事量力。不輕舉妄動。三思而行。膽大心細。智圓行方。謹小慎微。堅持到底者。
- 【五】在道中有實行實德之功。苦勤勞。又再三立願。捨身救世。終身輔道。成功者。
- 【六】遵師教。守師戒。以師爲道。以道爲師。無論在何時何地。尊師重道。氣交神交者。
- 【七】能勤職業。修心術。視不義之富貴如浮雲。克勤克儉。篤信好學者。
- 【八】行住坐臥。視聽言動。見財不貪。見色不迷。修身無嗜好。身能行道。可行於妻子者。
- 【九】貧至疏食飲水。樂亦在其中。富則以富積福。又能富而好禮者。
- 【十】眞貞修道。至誠如神。至誠前知。卽是三我一貫。黃中通理。美在其中。美之至矣。自然明大道之眞。不謬微塵如。
- 太上司權。天作照相鏡。地作留音機。人在紅塵黑暗世界中。善善惡惡。萬難分明。其中有一個天然。自然。然而禍福無門。善惡之報。如影隨形。勝過天網恢恢。疏而不漏。神鬼所記者。
- 【十一】入道不昧。初來志願。天然諸惡不作。衆善奉行。○享福知報。恩○受貧知改過。凡與人合作。先說明。兩情甘願。井內中毫無陰謀勉強。使皆大歡喜。而後實行。縱他人不是。隱惡揚善。成人之美。凡事逆來順受。委曲求全。不記私仇。而報公德。凡所盡義務。有功歸於天。有過歸於己。無事不可了。無事不可成者。○再者眞貞尊師重道。實寔謹守國法。維持公理。自然諸惡不作。衆善奉行。

三我立道序

維我

師尊天竄智慧。幼有神童之稱。讀古人書。恐被古人所愚。學今人學。恐被今人所惑。從心所欲。言行超邁古今。十五歲得貞師。

龍元祖。入峨嵋山修煉。至青城山。明心見性。始出外。遍訪知音。證明學問。問學性與天道。民國三年。二次出山。四年春。到北京。講學傳道。五年。政軍學。各界名流。立道德學社。聘爲社○○○師。四方有學社。中外人士。列門下者甚衆。七年。大衆弟子。誠求講經說法。

師尊以三我說法。發前聖所未發。開自有天地以來之秘奧。編輯成書一部。專與門人保全身心性命。以之修身。身安得長生。以之齊家。家和萬事興。以之治國。國和天下平。凡領閱者。觸目驚心。福至

心靈。自然諸惡不作。衆善奉行。迄今十八年。

師尊又以三我立道。自強不息。以有禮之強。維持公理國法。保護治安。並以消除世界之浩劫。開萬世大同之模範。是蓋因同仁敦請。專爲訓教弟子。非爲外人言者。弟子等欽聞之餘。深感至道適合於現世界人類。祈向和平。希望大同之需要。因不敢自秘。特將七月十五日。朝夕兩次之講義。略記其萬分之一。淺中之粗。編輯成書。就正同道高明。互相砥礪。俾天下萬世。知三我。樂三我。實行三我。永享三我大道幸福。卽是人道主義行。人仁平等。天然相親相愛相扶持。知此明此。二次大競爭。自然消滅。不期然而然。世界成大同極樂。

中華民國二十五年九月編述弟子謹識

三我立道

丙子七月十四日述作十五日講綱
此綱目 師尊略有添改與後不同

師尊○篤恭○救世貞主仁。以人道主義。實行真貞人仁自由各國
平等。集羣聖之大成。開萬世之太平。天下不勞而治。世界天然
自然。而然。成爲大同極樂。

【一】人生在世。有志竟成。天隨人願。但不在其位。不謀其政。故君子
順道而行。樂易俟命。人事盡到至善。不期成功。而自功成。

【二】國家之治亂在當道。不可任意談國事。天下無道。不辯是非。故
人以類聚。道不同。不相爲謀。

【三】知足常足。不會無益客。不作無益事。如與人交際往來之公平。

將心比心。知己知彼。百戰百勝。

【四】言行上合天道。下順人情者。真貞三綱五倫八德。證明人道主義之貞。所以異於禽獸。

【五】學道知道明道。方不昧志願之初心。大道之行。不出人情之外。真貞實行大道者。又不在俗情之中。

【六】大丈夫生今之世。要成今之人仁。不犯上作亂。時時尊師重道。常常維持公理國法。

【七】實寔天下爲家樂。真貞世界大同成。人仁自由。各國平等。

【八】愛身。愛家。愛國。愛天下。愛人。愛物。之貞。不修道而道自成。

【九】知道三我一體。一體三我。卽是克己復禮。天下歸仁。

【十】實行眞貞諸惡不作。拔七祖。誠意實寔衆善奉行。超九玄。

【十一】前立修道下學上達。日行功課報恩經禱告法。須時刻不忘。

【十二】以鬼神爲德。如在其上。如在其左右。敬之以禮。不諂媚邀福。

【十三】明大道生陰陽。陰陽生天地。天地生萬物。皆是爲人而生。一飲一啄。不可忘却根本。卽知恩報恩。惜福積福。享福在其中。

【十四】當今太上司權。天如照像鏡。地如留音機。善惡之報。如影隨形。享福還是積福人。受魔還是作魔人。天網恢恢。疎而不漏。

【十五】爲人處世。尊敬男守信有德君子。女守貞窈窕淑女。

【其】紅塵浪滾之中。天下無道之時。事無好歹。理無是非。盡善盡美之事。小人爲之。自然成極惡極醜。君子爲之。天然成盡善盡美。事在人爲。故君子樂得爲君子。小人枉自爲小人。

【七】學道不昧初心。只在言行合一。名實相符。成仙作聖有餘。

【六】勤職業。修心術。常將有日思無日。莫把無時作有時。自然克勤克儉。不暴殄天物。正是三我立道行。人道主義成。

以上十八條。擬定三我立道。人道主義之初步功夫。聞之至平至常。行之至神至妙。其中厥中。皆是性與天道。重在貞師口傳。果能心領神會。得到一字一句。英雄豪傑。天然自然。成聖賢仙佛。

三我立道講義

(一) 丙子七月十五日上午十時

天地人爲三才。三才之中人爲貴。貴在何處。貴在有貞良心。貞思想。貞智慧。貞學問。貞能力。凡與人交。自強不息。其中能千變萬化。而又萬變不離其宗。故人能弘道也。道賴人弘也。大道爲無爲中之精華。人爲有爲中之精華。但大道無影無形。無聲無臭。還賴有爲人事。發揚光大。故人爲貴。

我自學道辦道。今已五十九年。由此五十九年中之經驗閱歷。深知道與教之關係。迥然不同。蓋道是獨一無二。教則分門別戶也。在昔地道未通。大道不明不行之時。各教聖人。不得不因時因地因人而立教。各說大道之一端。自必偏而不全。况有一利而萬弊叢生。流傳既久。遂致各是其是。各非其非。甚且釀成宗教戰爭。固一本散爲萬殊之自然。當今海陸環通。人類進化。世界要成大同之時。非立道。不能使萬教歸一。非萬教歸一。不能泯除各民族間之競爭。與各教派

間之仇視。我今改變方針。不言教而立道。因元午中天。萬殊仍歸一本。亦大道收果之自然也。

我今以何立道。即以三我立道。憶自三我立法時。門人稱我爲師尊。祈禱世界和平。請我闡揚孔道。稱我爲篤恭。近年門人鑒於二次大戰。戰爭要爆發。又請我承當救世貞主仁。此三個名詞。卽是我的三我。以此三我立道。可以集萬教大成。開萬世太平。道爲生天化地。生物生人之原。前不知其始。後不知其終。無以名之。強名之曰道。在後天有爲中言。道猶路也。如火車之軌道。輪船之航道。飛機之空道。循此道而前進。可以同登道岸。共躋大同。大同之道。以何爲標準。卽以人道主義爲標準。世人不知自己是人。故不存人心。不做人事。不顧人格。無法無天。搗亂人羣。今將人道說明。使人知人是大道精華。人卽是道。道卽是人。人格貴重得很。凡是人類。均是一道所化。同爲一大父母所生。民吾同胞。物吾同與。應當相親、相愛、相友、相助、相扶持。焉

有自相殘殺之理。故果天下人均明白人道主義，實行人道主義，自然成大同極樂世界。

折轉來說。我從前爲何要學道。因想成己。必已成然後能成人。己若不成。焉能成人。今之輕易犧牲者。動謂爲國爲民。其實是害國殃民。因無成己之學。焉能辦成人之事。不過以假言假語。假仁假義。淆惑世人耳目而已。我今以三我立道。以身作則。使世人不行假仁義。由真仁義而行道。將從前錯誤。加以糾正。已過之事。存而不論。以前種種。譬如昨日死。以後種種。卽由今日生。前後判若兩人。由小人變爲君子。由惡人轉爲善人。成爲三我一體之仁人。

今再證明我以前之錯誤。幼時讀書。卽想中狀元。爲天下第一人。亦算爲己之學。後學而未成。在農工商賈中求出路。亦無所就。幸有志竟成。天隨人願。得遇龍元祖。而入山學道。明心見性後。知道世界有今日之亂。我是上天特生治亂之人。吾師命我尋師訪友。證明覺中

所見之虛實。數十年中。奔走跋涉。遍訪高人。受盡千辛萬苦。又奉師命出山。担当宇宙。以救國救民救天下爲己任。遂捨爲己之學而爲人。初在成都立道德倫禮會。後在北京立道德學社。會聚朝野元人。講道論德。研究濟世救人之道。論修持人之身分。較人間帝王。尤爲貴重。如滿清順治云。朕本西方一衲子。爲何流落帝王家。衲子不過羅漢之體。爲人間帝王。猶云是流落。則修持人之尊貴。可見一斑。故常言九輩狀元。十輩天子。方能抵一修持人福命。我奉師命。捨身救世。想借水行舟。遂自貶身價。對於各方當道之訪談者。不惜苦口婆心。委曲將就。真是招之則來。揮之則去。較伊尹五就湯。五就桀爲尤切。以致被人輕視。疑我別有所求。此亦無怪其然。因社會上萬道爭鳴。萬教齊發。光怪陸離。炫人耳目。而且政客一流。假借名義。招搖撞騙者。到處皆是。始則魚目混珠。似是而非。終且滿盤魚目。誰信有珠。我之所以不見信於人。一由真假難分。亦由自己熱心太過。跡近鑽

營。失了修道人之身分。有以致之。今日自思。真是大錯特錯。從此立一自強不息方針。人不求人。品自貴。抱道自重。方爲高。自問。先天專門大學已畢業。遵師教。守師戒。見財不貪。見色不迷。見名不受。身已修。家已齊。均有事實可以證明。在社會上。總算一完全高尚人格。今不能使人尊仰。而反被人藐視者。還是自己處置不當。不應以天爵之尊。反求助於人爵之卑。尊卑失序。猶如冠履倒置。焉得不招人鄙薄。卽如祈禱和平一事。雖有海上聞人之發起。究竟皆是在野身分。故不能引起各方注意。凡平民求我。我卽現平民之身。則道化亦只能施及於平民。若有地位者求我。我方現尊貴之身。則道法可以居高臨下。風行草偃。推行於世界。觀世音菩薩千變萬化。隨緣現身。亦猶是也。故我今決定有十八大方針。茲分釋如後。

【一】不在其位。不謀其政。凡事順道而行。樂易俟命。不期成功而自成功。○○○中華自開化以來。凡司政權者。卽是以道治世。以

德化民。稽之唐虞三代。君相師儒。合爲一體。故能政教兼隆。蔚爲盛治。周公而後。在位者不必有德。有德者不必在位。政德分離。遂漸演成黑暗世界。治常少而亂常多。沿至今日。天地否運。已達極點。真正是天下之無道久矣。國家社會。又焉得不亂。但其治亂安危。均是在高位司政權者。應負之責任。非局外人所能代謀。亦不許局外人之代謀。譬如車船機舵。既有人掌握。平安危險。由他轉移。凡屬局外人。皆是愛莫能助。卽令喊叫。空自替人擔憂。甚或遭他叱責。故莊子云。庖人雖不治庖。尸祝不能越俎而代之。至聖云。不在其位。不謀其政。今吾人既是在野之師儒身分。自應抱道自重。獨善其身。不與聞國家天下事。免去許多煩惱。樂得自在逍遙。故從此實行休息。樂易以俟全體大天命之自然成熟。果其否極泰來。天欲平治天下。如堯之於舜。湯之於伊尹。文武之於姜尚。咸有一德。合而以道治天下。天下

不勞而自治。亦敢大言如孟子曰。當今之世。舍我其誰。故事半古之人。功必倍之。

【二】不談國事。不辯是非。人以類聚。道不同。不相爲謀。○○○舜好問而好察。邇言先民有言。詢於芻蕘。乃大聖人當國。明目達聰之大性量。非所語於末流之世運。我已往空費許多忠言。不必論。卽前見天道中。現出中國統一。萬邦歸服之象。希望當道承受天命。挽救危亡。函電各處。均不得要領。終致貽誤時機。後患難測。足見空談無補。不如不談。況現在是以強權滅公理之時。我等修持人。應當遠避凶氣。默以自容。且今人口號標語。及凡講道論德者。皆是引古証今。冠冕堂皇的好話。及觀其所行所爲。又多黑暗不堪。孰是孰非。更無從說起。而其中善善惡惡。親上親下。要皆各有來歷。各有因緣。不必相同。亦不必強同。語云。人以類聚。物以羣分。道不同。不相爲謀。只有各行其是而已。譬

如舞台上做戲。忠奸好醜。各有各的做法。即各盡各的本職。忠不能扮演奸。亦猶奸不能扮演忠。世界一大舞台。世事亦如是也。故以後如有人問政治者。我惟有答以軍旅之事。未之學也。對之。有問道德者。我則告以道德在先天。成貞作聖之原始。道德在後天。若大路然。豈難知難行哉。人病不求耳。子歸而求之。有餘師。

【三】不會無益客。不作無益事。知己知彼。百戰百勝。○○○人生在世。以普通而論。大限不過百年。况光陰容易催人老。人生七古來稀。應當以有用之精神。作有益於己。有益於人。並有益於天下後世之事業。乃能馨香俎豆。萬古千秋。方不愧有此一生。若日常徒與不明道德。不識自己性命之人。應酬敷衍。虛擲光陰。實在可惜。况又作些損人不利己。或害人如害己之事。墮落自己的人格。遺下萬世罵名。更屬不值。故孔子云。羣居終日。言

不及義。好行小慧。難矣哉。我今七十有三。回憶學道辦道。經過五十九年。所辦皆救國救民救天下之道德中事。卽居恒無事。看似閒遊。其實仍在到處留心。踏實認真造學問。只爲救世心切。不論何人。一經會面。便由滿腹熱腸。將道德源流。性命秘藏。澈始澈終。反復詳說。惟恐其不明。無如言之諄諄。聽者藐藐。失言之處太多。於人無益。於己之精神氣力。空勞損耗。故近年以來。非知己弟子。決定不會。一免得枉費精神。有損於己。一免得一言不中。萬言無益。或反得罪於人。語云。知己知彼。百戰百勝。孔子云。智者不失人。亦不失言。胥此義焉。

【四】實行真貞三綱五倫八德。証明人道主義之貞。所以異於禽獸。○○○何爲人道主義。卽人與人相互關係。當然常行之道路是也。而此當然常行之道路。莫良於中國文化史上所留傳之三綱五倫八德。三綱貞義。早已講過。責在爲君。爲父。爲夫者。要

以身作則。爲人表率。作人模範。故謂之綱。非徒尊其分位。肆行權威。以便壓迫其下也。書云。若綱在綱。有條不紊。諺云。上梁不正。下梁歪。均可証明綱之緊要。彼君教臣死。不敢不死。父教子亡。不敢不亡之說法。乃後世無稽之譏言。非古大聖人立綱之本義。至於五倫。其實質卽君仁、臣忠、父慈、子孝、夫義、夫順、兄友、弟恭、朋友有信。乃爲相對待。大平等。各如其分。各盡各道之天秩天序。任何人類社會。莫之能外。雖曰共和時代。君臣之名詞已廢。而主席首長。義猶君也。百官執事。義猶臣也。組織秩序。不容紊亂。可見綱常倫紀關係。仍然不可磨滅。若夫孝、弟、忠、信、禮、義、廉、恥、八德。正所以實踐三綱五倫。而爲完全人格。維持人道之當然要素。凡國家社會之安危治亂。胥可於八德之盛衰升降卜之。從可知中國古大聖人以三綱五倫、八德、立政垂教。實爲建立人道主義萬古不易之常經。只因後人謬解綱常大義。

假名教以愚民。甚且流爲紙上空談。口堯舜而心盜跖。以致三綱不正。五倫不明。八德不修。華夏文明。日益退化。故欲振起斯文。復興人道。必須真貞正三綱。明五倫。行八德。然後人類社會。乃有各正性命之貞自由。各得其所之貞平等。但真貞人道主義。是真貞有人格者。互相維繫。互相親敬。互相生存之常道。即人之所以異於禽獸之界別。若夫身雖在世。其心已死。專以戕賊人。殘害人。欺騙人。如禽獸之互相凶殺。是人類而獸心矣。當然不在真貞綱常倫紀之中。並且還要根本打倒。是以孔子慨然曰。鳥獸不可與同羣。吾非斯人之徒與而誰與。天下有道。丘不與易也。

【五】學道知道明道行道。大道之行。不出人情之外。貞行大道。又不
在俗情之中。○○○凡學道必先知道。知道尤須明道。明道然後行道。行道乃能成道。爲必然自然之程序。蓋流水之爲物也。

不盈科不行。君子之志於道也。不成章不達。是以孔子教人博學之。審問之。慎思之。明辨之。篤行之。然大道之行。原非別有神奇鬼怪。卽在日用尋常中。凡事上合天道。下順人情。便爾頭頭是道。語云。王道不外人情。誠然不錯。故自來理學迂拘。矯情干譽。與夫索隱行怪。矜奇炫異者。均非中庸之道。但人情之中。有至情。有俗情。至情則變通盡利。鼓舞盡神。其中卽饒有大道。俗情則有宜有不宜。有適有不適。其中不必盡合道。故從古貞行大道之大聖人。其行爲往往有出乎俗情之外者。所謂君子之所爲。衆人固不識也。例如舜爲大孝。舉人所悅之好色富貴。無足以解憂者。惟順於父母。可以解憂。及堯以二女女焉。乃不告而娶。以俗情論。不但舜有不順親之嫌。卽帝堯以九男二女。事舜於畎畝之中。亦未免有失其尊貴。然而堯舜皆稱聖人。則以其所行者。爲通乎至情之大道。故一能成其則天之大功。一能

成其協帝之重華。卽如成湯放桀。武王伐紂。伊尹放太甲。周公輔成王。亦均是道爲己任。起初若與俗情相反。結果乃成順天應人之大事業。我自學道辦道以來。多忍人所不能忍。爲人所不能爲。亦猶是也。尤其是近年齊大家一事。能使滿門孝和。人天共樂。結果圓滿美滿。並爲聖賢仙佛史上罕見罕聞。而況於世俗之人乎。

【六】時時尊師重道。常常維持公理國法。○○○大道非師不傳。下至百工技藝。亦非師不授。師道所以至尊至貴。卽如我不讀古人書。而能明古人之理。不學今人學。而能知今人之事。布衣可以教王侯。造成現在之尊貴。衆弟子並尊稱我爲師尊。爲篤恭。爲救世貞主仁。皆由我守師戒。遵師教。而來。故時刻不敢忘師恩。總在憂勤惕厲。思報答於萬一。但大道不明。師道難立。千古聖人。猶罕有明明表彰之者。如孔子問禮於老聃。僅贊稱猶龍。

釋迦佛出家受道。頓開覺悟。而曰上天下地。惟我獨尊。耶穌言除我以外。別無上帝。穆罕默德言回向惟一真宰。雖皆暗藏師道於言外。而實未澈底揭示師道之根源。今適上天要開大同極樂世界。社會上文明進化。實行人道主義。尤須師道立而後善人多。故我特別表彰師道之萬能。非故與古人立異。乃揭示大同世界。惟一光明大路之指南針。期與天地立心。爲萬物立命。記曰。師嚴然後道尊。道尊然後民知敬學。卽此義焉。至於公理國法。乃所以保障社會之安寧秩序。爲輔助道德教化之必要規條。凡是學道人。尤應常常維持遵守。自由於公理國法中。不稍放蕩於公理國法外。擴而充之。卽大同極樂世界之階梯。

【七】實寔天下爲家樂。各國平等。眞貞世界大同成。人仁自由。○
○中華固有文化。所以超越全球萬國。而爲人道所宜然者。卽豈是皆以修身爲本。齊家爲則。而家之界說。亦有廣狹二義。就

狹義言。由近及遠。宜其家人。而后可以教國人。則合父母兄弟。妻子而爲一家。就廣義言。樂只君子。民之父母。則天下猶如一家。中國猶如一人。釋迦佛發願度衆生。孔子有志大同。耶穌愛人如己。靡不是天下一家。中國一人之性量與事功。如此性量與事功。真真實現。則紅塵苦海。卽化爲大同極樂世界。凡國與國之交際。自然一律平等。而無強凌弱。衆暴寡之殘賊行爲。人以仁相往來。自然各個自由。而無智詐愚。勇苦怯之非禮動作。斯乃真貞人道主義之究竟。而亦人人良心中各具之本性。人類社會所應爾。只是堯舜帥天下以仁。而民從之。不過一反手之勞耳。非如挾泰山以超北海。必不可能之難事也。我今齊大家。卽是天下爲家。世界大同之模範。學社中各處陳設物品。光華燦爛。美備莊嚴。儼然一個極樂世界。華嚴世界之縮圖。我一人固然樂在其中。並非爲我一人獨樂。亦是供大家玩賞。欣動

鼓舞。引人入勝之方便。凡入門弟子。學道有進步。到了升堂入室程度。均可同享百官之富。將來共樂宗廟之美。我常教生等既入了道德學社。莫以爲學社是師個人的。或某人所應負責的。卽當道爲己任。視學社就是自己家務。自己就是學社主人。則凡我今日所受之樂。所享之福。生等俱能享之受之。推之天下人人以道德爲家務。則人人不獨親其親。不獨子其子之大同世界。頃刻而成。不言平等。真貞平等。不言自由。真貞自由。

【八】愛身、愛家、愛國、愛天下、愛人、愛物。不修道而道自成。○○○吾前所說四大愛法語。卽是愛身、愛家、愛國、愛天下。爲修道人必具之心願。蓋人必貞愛身。然後其身期必修。必貞愛家。然後其家期必齊。必貞愛國。然後其國期必治。必貞愛天下。然後有天下期必平。故愛心實爲事業根本。今再擴而充之。不但愛身愛家愛國愛天下。而且汎愛人。不但汎愛人。而且須愛物。孟子云。

親親而仁民。仁民而愛物。君子之道。固如是其同揆也。卽凡修道人。果能具此六大愛心。卽是釋迦佛、觀世音菩薩、大慈大悲之性量。耶穌愛人如己。替人受罪之心。行堯舜禹湯文武周公。孔孟以不忍人之心。行不忍人之政。而仁覆天下之貞道德。貞仁義。自然無思非道。無言非道。無行非道。道卽我。我卽道。故不必矜言修道。而道自成。凡言如何如何修煉者。後天苦集滅道之說法。中下乘之說法也。不言修而道自成者。先天我佛如來之說法。上上乘之說法也。眞貞大道。如是如是也。我常告生等。今天入道。今天就成道。說待明天纔成。就是假的。就是欺人之談。則亦純視此愛心之發動何如耳。佛家云。初一發心。便成正覺。此之謂也。

【九】三我一體。卽是克己復禮。天下歸仁。○○○就個人本身言之。何爲三我。凡入道弟子。領受三我說法一書。卽知大概。能將先

天之精氣神。後天之智仁勇。打成一片。卽能三我一體。完成一個高尚的人格。此中心法。已於初入道時。及領受中道貞經。略有傳授。然大道中之三我一體。更有無上心法待傳。我現在既負師尊、篤恭、及救世貞主仁之名。則師尊、篤恭、救世貞主仁。卽是我之三我一體。我應負起責任。先救吾門弟子。推而救世救人。救天下後世。方爲名實相符。生等領得所授三我一體心法。亦必真貞信受奉行。乃能自救救人救天下。昔顏淵問仁。孔子告以克己復禮。天下歸仁。卽是三我一體心法。但孔子尙只概括其辭。未明白指出三我告人。故後人究莫得其解。我今反復申說。不憚明言。洩露天機。亦非我之能。是無爲無所不爲貞主宰。要昌明大道。特假手於我發揮之。使人人知道人格貴重。三我一體之尊榮。果能三我一體。則仁者人也。人者仁也。合而言之。道也不期然而然自成大同極樂世界。

三我立道講義 (二) 丙子七月十五下午八時

今天是中元佳節。以天時言。驕陽漸退。以人事言。萬寶告成。今以三我立道。即是中道而立。能者從之之義。三我名詞。自我發明。前於戊午年說大法後。已成專書。賜給及門。但前係立法。此乃立道。前係修之於身。而此則見之於事。世俗識得凡軀。只知一我。各教修持人。識得靈魂。只知二我。惟貞明大道之君子。識得天地萬物源頭。始知三我。貞知三我者。始知天地非大。吾身非小。古大聖人參贊位育之功能。並非奇異。今以三我立道。即係說明人之本源。凡事不要專爲個人。凡軀及靈魂打算。必要保全公共大我。人能三我主事。則民皆吾胞。物皆吾與。伊尹曰。天之生斯民也。使先知覺後知。使先覺覺後覺。予天民之先覺者也。非予覺之而誰也。大丈夫生今之世。成今之人。此等願力。不可不有。此次立道題綱。上午已講九條。茲再繼續說之。

【十】實行諸惡不作。拔七祖。誠意衆善奉行。超九玄。○超玄拔祖。乃

人生報本之義。世俗之人。得點浮雲之富貴。尚可光宗耀祖。何況修道。故曰一人修行。九族超昇。自屬當然之理。但修行二字。內含二義。修者自修。行乃功行。何爲功行。卽救世渡人之事業是也。昔日蓮僧得道後。見其亡母。雜餓鬼中。雖進之食。而不得食。因還白佛。佛令作盂蘭會。將地府孤魂。一齊超渡。因以救母。足証救人。乃能自救。後世講修持者。多昧此理。專以內功爲重。如今講丹經者。多半以法爲道。故其傳授弟子。亦多認內功爲重。甚至謂坐功到幾層。卽可天堂註冊。地獄除名。殊不知內功。乃凡軀上事。縱修得好。不過可以強健精神。却病延年。就令千年不死。亦不過守尸痴。究有何益。我前爲諸同學超拔先靈計。立一先靈歸道祠。本想作一篇文說明。百思而均不當意。後忽想起「諸惡不作。拔七祖。衆善奉行。超九玄」一副聯語。道理充足。立見此聯已在太空垂象。放大光明。人能照此聯語實行。

超玄拔祖。可以斷言。

【十一】前立修道。下學上達。日行功課。報恩經禱告法。須時刻不忘。○人生之要。莫大於報恩。能知報恩。卽知孝弟爲仁之本。爲人道所最貴。此報恩經禱告法。乃合經法一體。是我三我一體所作。由天地之元氣胎息而來。故以傳授弟子。作爲日行功課。雖爲入德之門。亦卽作聖之階。凡我門人。如能至誠持誦。並身體力行。卽可由此下學上達。先從報恩作起。切實實行孝弟忠信禮義廉恥。行一德。得一德。八德俱全。如撐天柱。上天梯。爲大道之肖子。天地之完人。果能口誦心維。言行合一。名實相符。卽可培養自己元氣。增加自己福氣。有罪者可以赦罪消災。無罪者更可增益精神。大開智慧。此項日行功課。內中心法至多。曾有許多至誠弟子。切實體驗。其逢凶化吉。遇難成祥之功效。實有不可思議。不可言說之妙。須要視同至寶。時刻謹記勿忘。

【十三】以鬼神爲德。如在其上。如在其左右。敬之以禮。不諂媚邀福。○
鬼神之事。視而不見。聽而不聞。在氣化中。聚則成形。散則爲氣。
故體物而不可遺。說有說無。皆屬偏見。但所貴乎有鬼神者。在
以鬼神爲德。畏其鑒戒。引爲模範。敬之禮之。斯乃人道所宜然。
切不可陷於迷信。妄求保佑。因過於迷信。則必事事聽命鬼神。
而廢弛人事。妄求保佑。則是諂媚鬼神。自來諂媚鬼神之人。其
結果不僅不爲鬼神所喜。並往往反爲鬼神所棄。譬之作生意
者。誰家不供財神。然如自己不善經營。雖終日頂禮朝拜。亦屬
無益。况聰明正直之謂神。何能受人不正之供奉。更不能應人
無理之要求。人果正直無私。自然與神道一氣相通。卽不求鬼
神。自有鬼神隨身保護。暗中欽敬。所謂德重鬼神欽者。是也。試
觀戲劇所演。凡屬忠義節孝之人。遇有災難。輒有觀音菩薩親
來相救。夫觀音何人。卽天地之良心。凡人之良心。亦卽觀音。人

憑良心。自能感通天地良心。不求觀音。而觀音自至。故無論何劇。每值觀音一出。即可了解。是即所謂良心感化主義。則鬼神亦人道之大防也。

【十三】大道生陰陽。陰陽生天地。天地生萬物。皆是爲人而生。一飲一啄。不可忘却根本。須知恩報恩。○常言人生有四大。天大地大。父大母大。又云天地爲人之大父母。殊不知陰陽未判。天地從何而來。混沌不開。陰陽又從何而判。僅知天地。而不知陰陽。與僅知陰陽。而不知大道。是猶僅知父母。而不知高曾也。故論人之源頭。在後天上說。生我者父母。父母之恩。不可不報。在先天上說。則生我者厥惟大道。大道之恩。又豈可忘却。而况大道愛人。無所不至。舉凡人之所需。莫不應有盡有。自天地以次。萬象萬物。皆是爲人而生。供人之用。人於一飲一啄。皆當飲水思源。體造物好生之德。存濟人利物之心。辦成己成人之事。方不負

大道之鴻恩。昔張獻忠在成都立一七殺碑。其文曰。天生萬物。以養人。人無半點報天恩。接連書七個殺字。亦可反証知恩報恩。始無愧乎爲人。

【十四】當今太上司權。天如照相鏡。地如留音機。善惡之報。如影隨形。享福還是積福人。受魔還是作魔人。○太上曰。禍福無門。善惡之報。如影隨形。已將大道森嚴。盡情畢露。後人於感應篇。加入惟人自召。並是以天地有司過之神等語。以之單行說神則可。以之附會太上之語。則前後兩歧。蓋既云如影隨形。何待神來記算。果須神來記算。卽難免遺漏不全。失其如影隨形之自然矣。從前大道不明不行。世界黑暗。善善惡惡。現報難周。只得讓之因果輪回。如佛家云。要知前世因。今生受者是。要知來世果。今生作者是。因輪回之事。莫由考証。故人多不知鑑戒。甚或歸怨天不公。地不平。當今地天交泰。人道主義要昌明。太上道光

普照。直司賞罰大權。天如一大照相鏡。地如一大留音機。一切善惡。皆不能逃其如影隨形之照留中。如何作。如何報。何時作。何時報。絲毫無有遺漏。無有遲延。現社會之眼前報應。已歷歷如見。在表面看來。或有作惡。而得富貴享榮華者。乃是消其前根祖德。如影隨形以報之。德盡必滅也。或有作善。而反受貧賤困苦者。正是消其舊有過愆。如影隨形以報之。殃盡必昌也。和盤計算。享福還是積福人。受魔還是作魔人。

【十五】爲人處世。尊敬男守信之有德君子。女守貞之有德淑女。○何謂君子。能守信卽是君子。何謂淑女。能守貞卽是淑女。信乃男之美德。貞乃女之美德。男不守信。謂之小人。女不守貞。謂之賤人。男女爲陰陽之代表。男信女貞。皆天地之正氣。故曰。一陰一陽之謂道。繼之者善也。卽在人事上言。君子淑女。乃人道之表率。天地之支柱。國家之禎祥。但爲人處世。男孰不願爲君子。女

孰不願爲淑女。只因人道主義不明。罔知三我一體之尊貴。容易隨波逐流。愈趨愈下。故欲爲君子淑女。必先尊敬有德之君子淑女。而後得所取法。一家取法。則一家盡成君子淑女。可稱美滿家庭。家家取法。則家家盡成君子淑女。可成善良風俗。我們修持人。雖不在其位。亦有轉移風化之責。何謂行善成人成己。卽是無量善事。何謂修持。化民成俗。卽是莫大修持也。

【夫】紅塵滾滾之中。事無好歹。理無是非。全在人爲。君子樂得爲君子。小人枉自爲小人。○紅塵滾滾之中。不分是非好歹。只分君子小人。醜事惡事。君子爲之。可成善美。善事美事。小人爲之。可成醜惡。同是民也。堯舜以仁帥之。卽爲仁。桀紂以暴帥之。則爲暴。同爲金銀。從前本屬通用之物。今政府一紙公文禁止。卽不能公開行使。鈔票本屬假物。今則假者成真。而真者反假。由是觀之。天下事無真無假。只在人爲。又如男女關係。戲劇上所演

之御碑亭一事。孤男少婦。同處通宵。在不知者見之。果與淫奔何異。只以其各知自重人格。未及於亂。故後世播諸管絃。傳爲佳話。現在青年男女。社交公開。果是君子淑女。又何嘗不可。無如男女雙方。多被惡潮所染。男不知守信。女不知守貞。縱一時之欲。致貽終身之玷。不惟身敗名裂。自墮人格。結果還是生離死別。自尋苦惱。若能知道三我一體。則男女之間。自能互尊人格。以禮自持。男女雙方。如能各知以禮。自行檢束。卽公開交際。自得貞自由。貞平等。否則爾欺我詐。名爲自由。實不自由。名爲平等。實不平等。故曰君子樂得爲君子。小人枉自爲小人。

【七】學道不昧初心。成仙作聖有餘。在言行合一。名實相符。○常言。學道不昧初心。成仙作聖有餘。這兩句話。似乎說得太容易。其實是真話。是眞事。蓋凡人初發心學道。未有不立的是好志願。期必成仙成佛者。只因事過境遷。或則半途而廢。或則見異思

遷。自己立的志願。自己又不算。所以學道如牛毛。成道如兔角。果能一直到底。言行合一。名實相符。則不說聖賢。自是聖賢。不說仙佛。自是仙佛。此事我是過來人。我當學道之初。志願既立。永無二說。我遵師之教。守師之戒。說見財不貪。即決心不貪。說見色不迷。即決心不迷。說見名不受。即決心不受。所以能有今日。生等能如我之言行合一。名實相符。我可保證。一定成道。有志者事竟成。是在人之各自奮勉耳。

【六】勤職業。修心術。常將有日。思無日。莫把無時作有時。自然勤儉。不暴殄天物。三我立道行。人道主義成。○大學之道。壹是皆以修身爲本。欲修其身。必先正其心。故凡修道人。以修心術爲第一。日常處世爲人。萬不可作壞良心的事。若良心一壞。則一切皆非。還說甚麼修道。然良心不可壞。而職業尤不可不勤。常言有道無道。衣食先要。故能勤職業。一面可以保持自己衣食。亦

一面可以維護自己良心。蓋勤能補拙。儉可養廉也。若終日游手好閑。不士、不農、不工、不商。是爲學懶。不足言學道。及凡片善不修。寸功不立。只是打坐參禪。妄冀成仙成佛者。亦復如是。昔大禹克勤克儉。乃爲聖人。並因此受舜之天下。足証眞能克勤克儉。非等尋常。我常教生等。必須勤儉。卽教生等。自造福命。自培元氣。並自完人格之不二法門。語云。常將有日思無日。莫把無時作有時。此眞能勤能儉。過來人之閱歷語。故我以之作爲對聯云。「君子謹慎虛心。常將有日思無日。大人深謀遠慮。莫把無時作有時。」此卽是我過來人之閱歷語。特懸掛歸元堂。作爲大眾座右銘。蓋能如此。則不期勤儉。自然勤儉。並不敢絲毫暴殄天物。我自來飲食最約。甚至一信紙之微。亦不忍隨便濫用濫棄。可見生性勤儉之一斑。且眞正能勤職業。修心術。三一貫之心法在其中。人道主義之實行。亦在其中。夫三我立

道與人道主義亦是一而二。二而一。原非別有神奇。不可捉摸之事物。真能實行人道主義。即得三我立道。真得三我立道。必定實行人道主義。故吾人能將三我一貫之道立定。推己及人。濟人利物。爲天下萬世作個模範。人人照此實行。即是人道主義完成。

以上十八條。是我三我立道之標準。聞之至平至常。行之至神至妙。內含其中厥中。性與天道。亦卽人道之實行。凡我門人。須各本三我一體之誠。全力以赴。大同極樂世界皆在眼前。卽爲聖爲賢。成仙成佛。亦不難於此。三我立道中自求而自得之。另有心法。一並傳授。今天三我立道以後。決定變化氣質。秉賦難移者期必移。習慣難改者期必改。從前爲己成人。此後轉而爲人成天下之道。我若不成道。敢斷言前古後今。再無有成道者。我於大學修身齊家之事。經無爲貞主宰吾師之試驗。業已圓滿美滿。治平之事。何以不能實現。午夜

自思。雖是天未假手。或亦我之人事。仍未能止於至善。故我常教弟子諫我。果有未見到之處。必立地更改。我今自思。真是天地間一大罪人。非人罪我。乃我自罪。何也。現在氣數天地不仁。要以萬物爲芻狗。全球萬國。滿盤皆乘兇厲之氣。爭強逞很。競尙殘暴。擴軍備。造利器。日以亡人國。滅人種爲能事。我不識時務。偏要提倡道德。主張和平。逆氣數之天。強使不仁之氣而歸仁。以至高無上之人格。想救國救民。熱心太過。反被人輕視。以致連累弟子。亦被人輕視。撫心自問。殊覺難安。

但事雖錯。而心總不錯。不如此不足以見我之堅恒。不如此不足以消我之冤愆。如孔子僕僕風塵。受陳蔡之厄。釋迦佛隨緣乞食。講經說法四十九年。耶穌替人受罪。甘願死於十字架。其救世爲人之切。皆與我同一志願。要說錯都是錯。要說罪都是罪。我今說出。聽人公論。如可爲法。使人知效。如不可爲法。使人知戒。總於世道人心有益。

惟最可痛心者。社會上竟有無知之輩。含沙射影。無事生非。竟把我歷來倡造大同。爲國爲民爲天下之一片苦衷。一概抹殺。反說我是封建思想。有做皇帝野心。甚至說我們所做的是賣國工作。又說道德學社。是賣國機關。似此血口噴人。任意狂吠。固不值識者一噓。夫慘莫慘於亡國奴。恥莫恥於賣國賊。故鄉黨自好者不爲。而況於修道之人乎。卽人間帝王。亦不過浮雲之富貴。所以前清開國帝王。如順治。尙曰。朕乃西方一衲子。爲何流落帝王家。帝王比衲子爲流落。自更不足動有道者之心。我自奉師命。捨身救世以來。既捨家財。又捨子嗣。千辛萬苦。五十餘年。不作國家官。不要公家錢。凡於國家人民有益之事。皆白盡義務。純是道爲己任。乃反受人種種污蔑。實在覺得彼等太無良心。然此亦要替他原諒。一因見人成事。而生嫉妬心者。人情大抵皆然。或有褊窄小人。嫉妬我們成功。故爾造謠破壞。二因我所講的是人道主義。大同學說。存心太公。志願太宏。事業太大。不分種族。國界。教宗。黨派。凡有求必應。信者得救。都是向來未曾

經見之事。所以少見多怪。反爲臆說。而不知我數十年來。連公家錢財。一分一文。尙不肯用。還有什麼貪圖。草野匹夫。憑何資格。而能作賣國大事。私人團體。何憑何據。而能負賣國責任。如此信口雌黃。不顧事實。真正可恨。而又可笑。孟子云。有不虞之譽。有求全之毀。任他如何誹謗。而事實具在。又於日月何傷。只求我人事盡善。良心無愧。人言固不足計較也。

今日良心自問。對於救國救民之心。總算盡到十二萬分。果前所遇各當道。能有一位知音。中國早已統一。天下早已太平。並世界早已改觀矣。此亦不能歸咎於他。一因他無此福命。二因人民災難未滿。三因我們殃咎尙未消盡。故無爲氣化不歸。人事莫可如何耳。

我今承當救世貞主仁。正人先正己。救人先救己。既無權正天下人。救天下人。惟有先從吾門弟子正起救起。今天特將三我立道一貫心法。傳授生等。此法爲初步普通之法。無論新舊弟子。皆可承受。不但生等能受。卽天地鬼神。以及汝等之九玄七祖。皆可聽聞。在有形

中。只生等四百餘人受此心法。而無形中。尙有三千大千世界。盈千累萬之諸仙諸聖。皆同受此心法。真是皆大歡喜。人天共樂。論來一貫心法。不易領受。如孔子三千徒衆。七十二賢。能聞一貫之傳者。不過十餘人。明得一貫之傳者。惟曾子子貢二人而已。我何以要普通傳授。亦是太上天命。要我普傳。我亦樂得而爲之。凡心法傳授愈簡。明而愈能實行。且易普及。如耶教所以能普遍全球者。因有一最簡單法門。其法維何。卽教人吃飯穿衣。必禱告上帝。禱告耶穌基督。此法極其簡便。而內中實含有不忘本之真理。凡屬有真理之事。與知有真理之人。均能長久存在於世界。如孫中山恨滿清之專橫。主張自由平等。且尊崇孔子大同主義。故能革命成功。元清兩代。均以尊孔子而得入主中原。卽自來飛鸞顯化之神仙。因到處勸人爲善。維持三綱五倫八德。故能存留於社會。下至馬克斯共產主義。所以能風靡一時者。亦因其主張人人要有工作衣食。暗合上天生物養人之公道。然其黨徒任意殺戮。慘無人道。則又天道所難容也。

普通心法。人人可聽。能否領受。在各人自悟。果能得到一字一句。卽能。在天成象。但必在上天成象者。始能一貞永不滅。我卽認爲貞弟子。若在氣化中成象。僅能作爲門人看待。在中天成象者。爲升堂弟子。在北辰宮成象者。爲入室弟子。亦卽貞弟子。

學道爲甚麼。無非要學好人。故初步心法。第一要知道凡軀是一我。由父母所生。卽要保全凡軀。清潔凡軀。以報父母養育之恩。第二要知道凡軀猶衣服。是假我。還有個靈魂。是二我。爲真我。凡講修持。造學問。開智慧。完全人格。俾靈魂上達。皆賴師道教育之恩。亦要必有以報之。第三要知道凡軀靈魂。均不能自主。還有個稟賦。大道靈光之三我。爲真我。爲良心主人翁。卽要時時刻刻。在在處處。保全良心。使凡軀靈魂。成爲金剛不壞。以報大道生成之德。及天地覆載之恩。此是後天有爲中本身之三我一貫也。

還有先天無爲中之三我一貫。試問天地萬物從何而來。而且生生不已。化化無窮。絲毫不相悖害。孰綱維是。孰主宰是。當知其中有個

無爲無所不爲。貞主宰。如何能感通順。應無爲貞主宰。其中賴有師道。而師道之上。還有獨一無二。先有吾神。後有天之大宗師。是爲太上。太上卽禍福無門。善惡之報。如影隨形。此無爲貞主宰。與師道太上。乃先天無爲中之三位一體。能時時刻刻。卽如吃飯穿衣。必將無爲貞主宰。與師道太上之三位一體。融會在心坎中。常常禱告他。報答他。親敬畏愛他。卽得先天無爲之三。我一貫心法。則凡他三位所應有盡有之福報。皆可於自身獲得之。故大德者必得祿位名壽。此之謂也。

再淺而言之。如得富貴而享福。要知道此等福報。非無因而至。或由自己前世功行。或由祖宗累世餘德。故受無爲中三位一體。一體三位。如影隨形之賞。卽當存好心。說好話。做好事。合乎人道。完全人格。以報他三位賞善之恩。如此則以富積福。福澤自可悠久無疆。若得貧賤而受苦。要知道此等苦報。亦非無因而至。必是自作孽。不可追。故受他三位一體。一體三位如影隨形之罰。卽當趕緊自懺自悔。改

過遷善。以報他三位玉成之恩。如此則回頭是岸。皇天不罰悔罪人。自然轉禍爲福。由困而亨。簡單言之。卽享福知報恩。受苦知悔過。卽是信受奉行先天三我一貫之心法。語云。得福而驚。得禍而喜。孔子告子貢。以貧而樂。富而好禮。均屬此義。不過當時略示端倪。並未明白指出三我一貫之秘藏。故後人知其當然。而究不知其所以然。我今明言。道破天機。並且反復詳盡。生等誠能信受奉行。則後天之榮華富貴。先天之聖賢仙佛。俱在其中。

此是心法第一步。還有第二第三兩步功夫。必第一步躬行實踐。有了真正心得。真正覺悟。纔可授以第二步。盈科後進。大道固如是。其真實不虛也。至於第三步。爲先天大口訣。真正一點便成。但非於道有實行實德者。不能聽聞。卽聞之亦必格格不入。苟不至德。至道不凝焉。甚望吾門弟子。受此心法後。身體力行。日新又新。以造其極。爲天下人作個模範。推而至於人人。知道三我一貫。信受三我一貫。奉行三我一貫。則人道主義。放大光明。大同世界。不期成而自成。

三我九星第一貞經

八月初三日早
點鐘在三層樓述

【一】知我凡身是父生母養。十月懷胎。三年乳哺。愛我之心。無所不至。知恩報恩。終身不忘。入則孝也。
【二】我之聰明智識。學問問學。從何而來。因受貞師教育。方有此萬能。完全人格。知恩報恩。出則弟也。
【三】人在天地中。朝日有飽食暖衣。方便快樂。誰使之然。孰令之爾。皆是天地生物養人。運化安人。今知天覆地載。日月照臨。陰陽氣化之大德。知恩必報。如何報法。【四】知凡軀是四大假合。爲靈魂一件好衣服。凡軀中還有一個天真爛漫之良心。固有道德。本來天性。要有保全我靈魂。一生永不滅之大方針。如何保法。【五】有了凡軀。有了靈魂。試問凡軀能生我麼。曰不能。靈魂能生我麼。曰不能。是誰能生我。育我成我。此是太空之上。有個北辰。能化生天地人物。主宰天地人物。故孔子曰。爲政以德。譬如北辰。居其所而衆星拱之。他他他。他是誰。卽大道之精華所結成。亦是自然而然的機紐。無名可稱。強名曰道。道無爲無所不爲。貞主宰在其中。有爲中稱名曰上帝。天老爺。貞主宰。其名雖不一。其實是一而三。三而一。自然中頭頭是道也。佛家曰如來也。耶穌曰上帝也。穆罕默德曰真神也。有道就有陰陽。有陰陽就有天地。有天地方生萬物。萬物生成後。大道之精華。化而生人。故人爲天地心。萬物靈。能宏揚大道。治世安民。巧奪天工。能成仙作聖。在後天言。人者仁也。仁者人也。合而言之道也。人道主義之貞。卽三我一體。一體三我。【六】人生五官百骸完善。豐衣足食。享人間富貴安樂。須知報恩。或六根不全。缺衣少食。諸事不如意。受罪卽要知改過。享福還是積福人。受魔還是作魔人。天網恢恢。疎而不漏。善惡之報。如影隨形。明儒家之樂在其中。佛家之常樂我淨。道家之道。德失三樂。

三我信貞道經能受一貫心法綱目

【一】實行人道主義。人格完全者。

【二】男信。女貞。自信。自貞者。

【三】爲己成人。爲人成己。中道而行者。

【四】非己之物而不用。是己之物。非其時亦不用者。

【五】三我一體。凡身靈魂近道者。

【六】入則孝。出則弟。明孝弟爲仁之本者。

【七】言不自欺。行不自恃。道不自私者。

【八】遵師教。守師戒。以師爲道。以道爲師者。

【九】得富貴安樂。時時報天地聖神之恩。受貧賤困苦。刻刻改過日新者。

【十】明大道威嚴。順之則生。逆之則滅。信者得救。求者必應者。

【十一】明先天無爲。○○○太上千變萬化身。後天有爲。○○○太上承當萬教祖師。是大道一本。

散爲萬殊之。○○○太上。今萬殊歸一本之。○○○太上。有爲合無爲。是無所不爲最後之人。爲先天後天始終一人之仁。故仁能宏道。宏道是誰。○○○能明其中之貞者。

2
10/020

30/2A

廿五年十月卅日

闡揚孔子大同真義

祈禱世界和平會

贈送

10/0